

# 2025 caah siangniam sianginn ah minpeknak

Sianginn thawknak cu ngakchia, hringtu nulepa le zohkhenhtu hna caah lungthinhawhternak caan asi. Minpeknak tuahnak cu a fawi khawh chung in na caah bawmh kan in duh.

Victoria ah, *Fimcawnnak le Cawnnak Remhnak Upadi 2006* tangah an suaisamhmi mah umnak pawng i a ummi sianginn (nan 'umnak i sianginn') ah na fa cu kainak nawl a ngei.

Na tualchung sianginn asi lomi sianginn ah hmunhma zong na sok khawh. Sianginn nih Chiahnak Pawlasi zulh in na soknak kha an ruahpiak lai. Hmuhma peknak lei Pawlasi kong ah thawngthanhmi tamdeuh hmuhnak caah, [Sianginn i Minkhumhnak page](#) ah zoh



## Ahrampi (Timtuahnak) caah athar state huap caan khiahmi

Siangniam sianginn i a kum khatnak cu Ahrampi asiloah timhtuahnak tiah auh/kawh asi. Victoria acozah siangniam sianginn dihlak in zulh awk ah Foundation minkhumhnak a caan kha kan thlah cang (cahmai 3 ah zoh). Caan khiahmi nih 2025 sianginn kum caah Ahrampi ah na fa minpek caan le ningcang hngalhnak bawmh kha a tinhmi asi.

## Zeitik ah dah ka fa cu siangniam sianginn i an kum khatnak ah min ka pek awk asi?

Na fa sianginn an thawk kum i 30 April ah kum 5 a tlingmi asi hrimhrim awk asi.

Kum 6 a tling cangmi ngkachia caah sianginn kai cu tuah lo khawh lomi thil asi.

2025 sianginn kai kum caah Victoria acozah siangniam sianginn ah na fa minkhumhnak tuah dingah, minkhumhnak soknak kha sianginn ah 26 July 2024 ah ap.

## Zeitin dah ka fa cu siangniamruun sianginn i an kum khatnak ah min ka pek lai?

Siangniam sianginn i an kum khatnak ah na fa minpek dingah hi a dotdot hna hi tuah:

1. Find my School website (atang kha zoh) ah na tualchung sianginn kha kawl.
2. Sianginn lennak caah ahlankan in minpek dingah asiloah sianginn le minpeknak soknak tuahnak kong tamdeuh theihhngalhnak dingah cozah siangniam sianginn kha pehtlai.
3. [Foundation \(Prep\) i Minkhumhnak page](#) in Foundation (Prep) minkhumhnak lei thawngthanhnak tommy kha download (dawnglawt). Tommy cu Nikhatni 15 April 2024 in ngah khawh a si lai i soknak form aa tel lai. Phitnak dingah sianginn in form i khawpi pakhat kha an in pek men fawn lai.
4. Foundation caah minkhumhnak lei soknak cu **Ningani 26 July 2024** ah ap.
5. Na soknak aphi kha **Nikhatni 29 July le Ningani 9 August 2024** karlak ah theihter na si lai. Kainak hmunnhma pek na si ahcun, peknak kha **Ningani 23 August 2024** ah na cohlan a hau.
6. **Term 4 2024** lio ah minkhumhnak lei kong le thialkaamnak caan pawl ah i tel.
7. Na fa nih Foundation ah **Nithumni 29 January 2025** in a thawk lai.

## Ka tualchung sianginn cu zeitin dah ka hmuh hnga?

Na tualchung sianginn cu atanglei a dotdot hna zulh in Find my School website ah kawl:

1. Na browser chung i [findmyschool.vic.gov.au](http://findmyschool.vic.gov.au) ah lut.
2. 'Enter your address to get started' timi tangah azungzal na umnak hmun ah lut.
3. 'Enrolment year' tangah 2025 kha thim. **I chinchiah:** 2025 sianginn hmunnhma pawl cu tlaideuh Term 1, 2024 ah ngah khawh a si lai.
4. 'School type' tangah Siangniam kha thim.

Khuaram hmanthlak nih na umnak hmun, na tualchung sianginn hna kha sianginn caah kehlei i a ummi pehtlaihna dikthlir hna ah a hmuhsak lai. Tanglei ah na kau ahcun, na umnak hmun leiah a naihbik sianginn panga zong an hmuhsak lai.

'Search for school' timi tangah sianginn min zong in na kawl khawh.

### **Kan mah umnak ah a si lomi acozah sianginn ah kai dingin ka fa nih a sok kho lai maw?**

Sok kho, na tualchung sianginn lengah sianginn dang zong na sok khawh. Sianginn nih na soknak kha Hmunhma peknak lei Pawlasi le hmunhma ngah khawh a simi he aa keih in a tuaktaan lai. Minkhumhnak ah soknak pawl papek ning kong kha [Sianginn i Minkhumhnak page](#) ah na hmuh khawh lai.

### **Ka minpeknak soknak a tlamtinglo timi cakuat ka hmuh ahcun zeidah a cang hnga?**

Sianginn dang ah na fa cu minpek dingah na sok awk asi. Na fa cu an tualchung sianginn ah hmunhma amahkhaan piak asi. Na fa tualchung sianginn cu azungzal an umnak hmun hmun hrampi ah hngat in khiah asi. Na fa i mah umnak sianginn i chiah dingah ka [Sianginn \(my School\)](#) timi kha kawl. [Sianginn i Minkhumhnak page](#) nih minkhumhnak caah na fa i a umnak fehter dingah an bawmh fawn lai.

Biakhiahnak zong nangmah nih azukhaannak na tuah khawh. [Foundation \(Prep\) i Minkhumhnak page](#) nih minkhumhnak lei soknak i aphi azukhaan dingah tuahto ning kong kha a ngei.

### **Minpeknak caankhiahmi ka tloh soal ahcun zeidah a cang hnga?**

2025 sianginn kai kum caah Foundation ah na fa minkhumhnak tuah dingah Term 2, 2024 in zeitik caan paoh ah na sok khawh.

Minkhumhnak soknak kha Ningani 26 July 2024 ah ap dingin fial na si lio ah, hi nithla hnu in a rami soknak pawl kha cohlan a si ko lai, a hlei in minkhumhnak caan suaisamh pawl a tlohmi, Victoria ah zungzal umnak ah a hun pemmi asilole Victoria ah a hung phan tharmi innchungkhar pawl caah a si lai.

Minkhumhnak soknak pawl cu 26 July 2024 hnu i apmi cu sianginn nih a don lecangka in a zohfel colh lai, phuthen i Hmunhma peknak lei Pawlasi he a keih ning in.

### **Khoika ah dah siangniam sianginn ah minpeknak he pehtlai in theihhngalhnak ka hmuh khawh hnga?**

Ahrampi minpeknak tuahnak he pehtlai in thukdeuh theihhngalhnak caah na tualchung siangniam sianginn kha na hal khawh.

Term 2, 2024 a thawkka ah, [Foundation \(Prep\) i Minkhumhnak page](#) ah Foundation i minkhumhnak lei tuahtonak ah thawngthanmi tommy kha na hmuh kho fawn lai.

Theihhngalhnak ca lehnak bawmh na herh ahcun, zaangfahnak in bawmhna caah na tualchung siangniam sianginn kha chawn.

### **Bawmhna caah ho dah ka pehtlaih hnga?**

Thialkammak Tawltreto, Minpeknak Zunguk asiloah sok na duhmi siangniam sianginn nih minpeknak tuahnak kongah na ngeih khawhmi biahalnak pakhatkhat kongah an bawmh khawh.

### **Athahnemmi link hna**

2025 ah na fa nih siangniam sianginn a thawk tikah na caah bawmtu thil asimi a thahnemmi link hna kha atang ah zaangfahnak in zoh:

Ka Sianginn (my School) kawl – [findmyschool.vic.gov.au](https://findmyschool.vic.gov.au)

Sianginn hmunhma pawl kong – [vic.gov.au/school-zones](https://vic.gov.au/school-zones)

Foundation (Prep) i Minkhumhnak page – [vic.gov.au/enrolling-foundation-prep](https://vic.gov.au/enrolling-foundation-prep)

Sianginn i Minkhumhnak page – [vic.gov.au/how-choose-school-and-enrol](https://vic.gov.au/how-choose-school-and-enrol)

Pumtlinglo sinak le itel dihmi fimcawnnak – [vic.gov.au/disability-and-inclusive-education](https://vic.gov.au/disability-and-inclusive-education)

Mahumnak hmun i zung pehtlaihna pawl – [vic.gov.au/office-locations-department-education](https://vic.gov.au/office-locations-department-education)

# 2024-25 caah caansuaimi

2024 Nithla hna	Cawlcanghnak
<b>Term 2: Nikhatni 15 April 2024 – Ningani 28 June 2024</b>	
<b>Term 1 le 2 2024</b>	2025 caah Ahrampi (Timhtuahnak) minpeknak a kawlni innchungkhar hna caah Siangniam sianginn khaulawlnak, theihngalhnak caan le adang cawlcanghnak hna a tuah.
<b>Term 2, 2024 thawk dingmi</b>	2025 sianginn kai kum caah sianginn hmunhma pekmi kha hika ah zoh <a href="http://findmyschool.vic.gov.au">findmyschool.vic.gov.au</a>  Hringtu nulepa le zohkhenhtu pawl cu 2025 caah an suaisamhmi mah umnak pawng i sianginn (mah umnak hmun) i sianginn i chiah dingah <a href="http://findmyschool.vic.gov.au">findmyschool.vic.gov.au</a> an kal awk a si.  Hringtu nulepa le Zohkhenhtu pawl caah Minkhumhnak lei Thawngthanmi Tom kha <a href="#">Foundation (Prep) i Minkhumhnak page</a> in download dingah ngah khawh a si.
<b>Zarh 1 in, Term 2 2024</b>	Siangniam sianginn pawl nih sianginn aa ap dingmi chungkhar pawl le an mah umnak mibu sinah Minkhumhnak lei Thawngthanmi tom kha an phawtzamh men lai.
<b>Zarh 1 in, Term 2, 2024</b>	<b>Minkhumhnak soknak on ni</b> - hi nithla thawk in hringtu nulepa le zohkhenhtu pawl nih phitmi minkhumhnak soknak kha acozah siangniam sianginn ah an ap lai.
<b>Term 3: Nikhatni 15 July 2024 – Ningani 20 September 2024</b>	
<b>Ningani 26 July 2024 ah</b>	<b>Minkhumhnak soknak donghter ni</b> – hi nithla ah hringtu nulepa le zohkhenhtu pawl nih phitmi minkhumhnak soknak kha acozah siangniam sianginn ah an ap lai.
<b>Nikhatni 29 July le Ningani 9 August 2024 karlak</b>	Siangniam sianginn pawl nih Foundation (Pre) minkhumhnak api pawl kha catialmi he, phuthen i Hmunhma peknak Pawlasi ningin hringtu nulepa le zohkhenhtu pawl a theiher hna lai. Hi ah hin kainak hmunhma peknak cakuat, minkhumhnak ca fehternak cakuat, asilole a hlawhtling lomi soknak cakuat aa tel men lai.  Hringtu nulepa le zohkhenhtu pawl nih soknak a hlawhtling lomi cakuat kha ca in tialmi azukhaan kha siangniam sianginn i apnak kha a thawk men.
<b>Ningani 23 August 2024 ah</b>	Mah nithla ah hringtu nulepa le zohkhenhtu pawl nih an fa i hmunhma peknak lei cohlanak a langhtermi hmunhma peknak cakuat pakhat an rak kuat.
<b>Ningani 23 August 2024 ah</b>	<b>Siangniam sianginn</b> i ca in tialmi azukhan ap dingah hringtu nulepa le zohkhenhtu pawl caah phihnak nithla.
<b>Ningani 6 September 2024 ah</b>	Hi nithla ah azukhaannak hi api kha siangniam sianginn pawl nih hringtu nulepa le zohkhenhtu pawl sin ah catialmi in an theiher hna lai.
<b>Ningani 20 September 2024 ah</b>	Aa remmi Mah umnak hmun Haotu he catialmi in azukhaannak ap dingah hringtu nulepa le zohkhenhtu pawl caah phihnak nithla, hika ah <b>siangniam sianginn</b> ah an azukhaannak an hlawh a tling lo.
<b>Term 4: Nikhatni 7 October 2024 – Ningani 20 December 2024</b>	
<b>Term 4, 2024 lio ah</b>	Siangniam sianginn hna nih thialnak caan hmanna an tuah.
<b>Ningani 1 November 2024 ah</b>	Hi nithla ah Mah umnak hmun i Haotu azukhaannak api kha Mah umnak hmun pawl nih hringtu nulepa le zohkhenhtu dihlak kha an theih hna lai. Hihi cu phihnak nithla Ningani 20 September 2024 ah donmi azukhaannak pawl sin lawng hi hman a si.